

Staatâräädi asättâs

rávhudittum ellei tovâtem vahâgij muuneeld estimist já sajanmäksimist adelum staatâräädi asättâs 2 já 7 § nubástutmist

Staatâräädi miarádâs miäldásávt

Nubástittojeh rávhudittum ellei tovâtem vahâgij muuneeld estimist já sajanmäksimist adelum staatâräädi asättâs (115/2023) 2 § 1 já 3 moomeent sehe 7 §,

Tagarin ko toh láá, 2 § 1 já 3 moomeent asättâsâst 678/2024 sehe 7 § uáassin asättâsâst 678/2024, čuávuvávt:

2 §

Euroop union staatâtoorjáheiviittállâm heiviitem

Eellimvyeimikuávdáš ij uážu miedettid rávhudittum ellei tovâtem vahâgij muuneeld estimist já sajanmäksimist adelum laavâ 10 §:st uáivildum išeruudâ, 15 §:st uáivildum sajanmáávsu tâi 26 §:st uáivildum torjuu eennâm- já meccituálusyergi já eennâmkuávluvijđoduvâi staatâtorjust adelum komissio sundeivijvij (2022/C 485/01) 23 saajeest uáivildum vaigâdvuodâin leijee irättâsân. Sajanmáávsu tâi torjuu uázžu kuittâg miedettid, jis vaigâdvuodah láá vuálgus sajanmäksimnáál vaahâgtábáhtuumeest.

Eellimvyeimikuávdáš kalga almostittid almoli tiätuviermist tiäduid 1 momentist mainâšum sundeivijvij 112 saajeest uáivildum tiäduin.

7 §

Tiädui almottem- já siäihudemkenigâsvuotâ

Eellimvyeimikuávdáš kalga tátudijn toimâttid eennâm- já meccituáluministeriön 2 § 1 momentist mainâšum sundeivijvij 650 saajeest uáivildum ihemuštâlus vaattâm tiäduid rávhudittum ellei tovâtem vahâgij muuneeld estimist já sajanmäksimist adelum laavâ vuáduid miedetennáál išeruudâi já sajanmáávsui peeleeest.

Eellimvyeimikuávdáš kalga almottid eennâm- já meccituáluministeriön tiäduid Euroop union toomâst tohhum sopâmuš 107 já 108 artikla heivitmist uccâá merhâšittee torjui kuálâstem- já čäciviljâlemsyergist adelum komissio asättâs (EU) N:o 717/2014 vuáduid miedettum torjuin aalmuglii pajeraájân kyeskee vátâmušâi čuávum vâras.

Eellimvyeimikuávdáš kalga siäiludid tiäduid 1 momentist mainâšum laavâ miäldâsijn išeruttâ- já sajanmäksimmiarâdâsâin sehe čievčâ pessiimân vuáduduvvee kyelituálutoorjâmiarâdâsâin love ihheed.

Taat asättâs šadda vuáimân 1 peeivi uđđäivemáánu 2026.

Helsingist 18.12.2025

Pirâs- já šoŋŋâdâhminister Sari Multala

Lahâasâttemhovdâ Johanna Korpi